

عائلة إسرائ الطويل تخشى شللها مرة أخرى في سجون الانقلاب العسكري



الخميس 25 يونيو 2015 12:06 م

قالت آلاء الطويل، شقيقة المعتقلة إسرائ الطويل، إن أختها أخبرتها أنها ستصاب من جديد بالشلل إذا توقفت جلسات العلاج الطبيعي الذي كانت تتعرض له إسرائ منذ إصابتها أثناء تغطيتها فعاليات التظاهر ضد حكم العسكر

وأضافت آلاء عبر صفحتها على "فيس بوك"، إن "إسرائ بتقول لو فضلت شهر كمان من غير علاج طبيعي هتشل تاني والتعب الي فات في العلاج هيكون عالفاضي ، إسرائ بتتعالج علاج طبيعي يومي من سنه ونص ويادوب كانت بادئه تتحسن وتمشي بصعوبه ووقف العلاج وعدم الحركة والسجن مش في صالح صحتها تماما وبنطالب بخروجها سريعا عشان تكمل علاجها لانها معملتش حاجه تتحس بسببها".

وتابعت: "إسرائ عندها ضيق تنفس والعنبر بتقول فيه 38 واحدة ما بين مخدرات ودعارة وطول الوقت سجائر وهيا متضايقه جدا من دا ، وان كانت متاخده فعلا بسبب قضية سياسية انقلوها عنبر السياسيات"، مضيفة: "إسرائ بتحكي لنا انهم لما اتخطوا في ميكروباص قدام تشيليز وغموهم فهمت انهم اعتقلوهم وكانت بتشرح للي اخدهم ان لو كانوا مراقبين التليفون فصهيب كان بيقولهم تعالوا نتعشى في مطعم قبله اللي في السيدة زينب مقالش هنفجر قبله، وفضلت متخيله بجد انهم اتاخدوا بسبب الغلطة دي".

وأضافت: "إسرائ فضلت 15 يوم متغمية في أمن الدولة لاطوغي و كانت قلقانه على بابا وماما وعاريزه تعرفهم هيا فين وتطمنهم وكانت بتطلب من الي بيحققوا معاها يرجعوا البيت عشان نعرف هتروح فين وبعدها ياخدوها تاني، ولما ملقتش فايده عورت نفسها وكتبت الرقم الي حفلاه بدمها عاليطه على أمل ان حد يكلمنا يقولنا مكانها" وحكت انه في يوم من الايام الي قضتها في لاطوغي كان بقالها كتير مكلتش وجعانه جدا جالها حد قالها كلتي؟ بتقول معرفتش ارد وعيبت، قالها اجيبك ايه؟ قالتله شيبسي قالها وايه كمان قالتله مولتو، وايه تاني قالتله عصير قالها مش عاريزه حاجه كمان؟ قالتله وايسكريم".

وتابعت: "الست الي قاعده معنا في الزيارة تسمع كل كلمه نفسها اتعصبت قالتها دانتي فاضيه ماتقوليله يجيبك اكل حقيقي، إسرائ طلعت مش بتقول للظباط 'عمو' بس دي كمان بتقول عمو الباشا، قالت ان حمام السجن قذر ، وانه في سرير بتنام جمبها 'طنت تخينه خالص بتفعضها".

وختمت بقولها: "إسرائ عيد ميلادها يوم 28-هتقضيه في النيابة- وبتقول لكل اصحابها يدعولها واللي كان ناوي بجيبها هدية، يطلع بفلوسها صدقة بنية انها تخرج .. هوا مش كفايه كدا على إسرائ؟ هما مقتنعين بجد ان واحده بتعرفش تمشي لوحدها وبتتسند خطر عالدولة؟ واحدة حياتها ابسط من كل ده بكتير مفيهاش غير عيلتها واصحابها وكاميرتها وقطتها يبقا ليها فكر ارهابي؟".